




Central YMA buatsaiah Mizo Traditional Games 2011 atan Branch YMA a inbuatsaiah mek

Chanmari West March 27: Central YMA chuan Ni 31.3.2011 (Ningani) -a tan turin Mizo Traditional Games chi hrang hrang hmanga YMA Branch te inelna, Ramhlun Sports Complex-ah a buatsaiah dawn. He infiamma atan hian kan Branch pawh in tel ve tumin Organising Committee te'n hma an la mek a, inhmuhkhawmna leh veng aiawh tur thlanna neih a ni.

Ni 22.3.2011 (Thawhlele) zan khan Indoor Stadium-ah he intihsiaikna a tel turte Section hrang hrang atangin mi thahnem tak an kal khawm a, beisei aïn nula lam pawh an rawn thawkchhuak tha a, a lawmawm hle. Mipa Items bik hi mimal inelna a nih deuh vek avangin kan inthlahrung deuh nge kan thawkchhuak tha vak lova, a kal chhun te chungah Organising Committe leh Branch YMA chuan lawmthu a sawi takzet a ni. Heng kal khawm zing atang hian items hrang hranga tel turte Selection neih a ni. Tin, heng Branch aiawh tura thlanchhuah te hian Ni 25.3.2011 (Zirtawpni) zan khan Indoor Stadium-ah inhmuhkhawmna leh practice na hun an nei leh a ni. Kan Branch YMA aiawh tura thlanchhuah te chu :-

Mipa :

Inbuan	Palian: 1. F.Lalhmingmawia 'K' Pate : 1. David Vanlalpeka 'V'	2. T.Lalremruata 'V' 2. Lalthariana 'K'
Insaihruipawh	Palian: 1. F.Lalhmingmawia 'K' Pate : 1. Lalmalsawma 'V'	2. Lalrifela 'T' 2. Lallawmawma 'N'
Insuknawr	Palian: 1. F.Lalhmingmawia 'K' Pate : 1. Lalmalsawma 'V'	2. T.Lalremruata 'V' 2. Lallawmawma 'N'
Lungden	: 1. F.Lalhmingmawia 'K'	2. Zonunthara(Tetea) 'V'
Arpa Insual	: 1. Lalmalsawma 'CH'	2. Lalchawisanga 'V'
Arpa thai	: 1. Lalthariana 'K' 3. Lalchhanima 'N' 5. Henry Lalremruatpuia 'N'	2. Lalmalsawma 'CH' 4. Lalhruitluanga 'N' 6. Ricky Lallawmawma 'N'
Kalchhet	: 1. K.Lalchullova 'N' 3. Lalruatdika(Tetea) 'N'	2. Vanzairempuia 'K' 4. Lalchhanima 'N'

Tug of war : Tug of war bik hi Ni.5.4.2011 (Thawhlehn) Dar 11 AM ah Ramhlun Sport Complex ah tho nei tur a ni a, Items hrang hrang a Mipa thlanchhuah pariat hian veng ai an awb bawk ang.

Hmeichhia :

Inkawibah	: 1. R.Zoremkimi 'N' 3. C.Lalhruitluangi 'V' 5. Kitty Laltlanmawii 'V' 7. Lalhmangaihzuali 'K' 9. Lalrinmawii 'K' 11. Vanlalmuanpuii 'V'	2. Lalhminghlui 'N' 4. Zothansangi 'N' 6. Rinchnungi 'K' 8. Lalrinsangi 'N' 10. Lalmuapuii 'K'
-----------	---	--

(Heng Hmeichhe thlanchhuah te hi Kawikal leh Ketaminu intlansiak items ah te rin nghal tur an ni ang)

Tlawmngaia tel tura thlante'n harsatna an nei loh beisei a ni. He intihsiaikna atana kan hmachhawp kan hlen theihna turin leh lawmman tha tak kan hawn ngei theihnan veng mipuite tawiawmna leh Nu leh Pa ten kan fa te hunawl lo siamsak a lo fuih sauh sauh turin Branch YMA chuan a ngen takzet a ni.

Branch News

Karleh Ni 29.3.2011 zan khian Branch Executive Committee koh tum a ni.

Branch Exe.Member Pu CT. Vawra Zote chu Office duty in phailamah a zin mek.

Ni 24.3.2011 zan khan hruaitu intuai tharna leh kumpuan hawnna neih a ni a, hruaitu hrang hrangte kal dan hetiang hi a ni :-

1) Branch O.B	- 6
2) Branch Exe.Member	- 16
3) Adviser	- 4
4) Chawngbawla Section	- 21
5) Khuangchera Section	- 27
6) Neuva Section	- 29
7) Taitesena Section	- 26
8) Vanapa Section	- 19
9) Thlanmual S/C	- 15
10) Park S/C	- 14
11) Property S/C	- 11
12) Kumpuan S/C	- 16
13) YMA Aw	- 5

RUANG CHHUAK

Ni 23.3.2011 zan khan Pi Chawngzachhingi Kum 68 North Khawlek khua chu Durtlang Hospital-ah a boral a, a ruang hi Pu Lalsangzuala 'K' Section te In atangin thawnchhuah a ni.

CHHUANAWM

Mizo Academy of Letters-in lekhhabu tha Top 10 - a thlanchhuah ah Kan Editor lo ni tawh Pu Lalnunthara Sailo lekhhabu ziah 'ZONUN' tih chu thlan a ni a, kan chhuangin kan lawmpui hle.

Pu R. Vanlalchhuanawma s/o R.Rokima chuan MBBS tha takin a zo a, hetiang ang mi kan nei hi Chanmari West Branch YMA chuan a chhuangin a lawmpui takzet.



TUN KAR CHANGVAWN

Mi tin mahni chaknaa hruai bo leh hipa an awm chuan thlemna an tawk a ni zawk e.

Jakoba 1:14

Editorial Board
Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpua
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer
President

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

K.Darthantluanga
9436196071

Treasurer

C.Lalzarliana
9436142049

Fin.Secretary

Lalthuamluia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial : Tunlaiin Mizoram hmun hrang hrang ah kangmei a chhuak nasa leh ta hle a, a vanduaithlakin a pawi hle a ni. Kumin ah khua a ro chho leh tan ta viau mai a, mitinte kan fimkhur a pawimawh hle. Chet fimkhur loh vangte, ngaihthah leh inthlahdah vang hrim hrim a kangmei i tichhuak a nih chuan veng mipui leh thenawmte kumkhua a thinhrik, an in leh lo mai bakah an ro zawng zawng kan ral tirtu a ngaih i ni thei a ni. **FIMKHUR RAWH.**

Gas thuk leh a pipe fel lo te, electric wiring nghetlo avanga tek deuh ngaihthah tlat te, heater leh gas a thilchhuan len san leh off theihngihilh te, meizial bung paih mai mai atang te hian kangmei rapthlak tak a chhuak thei a ni. **MITIN TE I FIMKHUR ANG U.**

Tunhma chuan in tam zawk Di in a ni a, kangmei lakah an in veng uluk em em thin. Kan hriat ve phakah pawh kumhlui thlah zan te hian inchungah tui nen an thu fur thin a ni. Tunah chuan in leh lo tha zawk ah kan khawsa tawh a, heti chung hian kangmei chhuak sawi a la awm fo mai. Kangthelhtu lam te'n min rawn veng seng dawn hauh lo, mahni inven a pawimawh khawp mai.

Kangmei a chhuahin kutruaka tei mai mai kan thahnem lutuk hian harsatna a siam nasa khawp mai. Chhanchhuah hna thawktu te tana chet lak theih loh khawpin hmuhnwawm thlir a thlir tum kan awm thin hi **SIM** a hun. I tangkai dawn lo a nih chuan **KAL LO** ngam rawh. Hawkdkavanga chhiatna nasa zawk a thlen loh nan hian Mizo mipuite kan inenfiah a pawimawh hle. Kangmei chauh lo ah pawh chhiatna dang thleng reng reng ah tih theih i neih loh chuan a hmuna kal buai phet tum loh a tha khawp mai.

Albert Park lam hawiin lungtileng leh mai ang

T-a

Nghahhlel zawng a inang lo va, tui zawng pawh a thuhmun vek chuang lo. Rilru pekna lam leh kan ngaihsan zawngte a danglam hle. Engnga ti teh reng nge maw ni kumin hian Formula One season thar, tun pathiannia an tlan tur hi ka nghakhlel deuh tlat mai a, tun zirtawpni atang phei kha chuan ka helhhlawh tan a ni deuh ber tawh. Thil ropui taka han sawi tur ni hran lo mah se, mi tute pawh hi an rilru pekna lam kan hnualsuatsak ngawt thei lo va, kei ai mahin U Nunthara'n a nghakhlel nge a hun a hai ve hrim hrim phei chu ka hre lo va, kar hnih kal ta khan tlantir a tum daih tawh.

Kum 10 kal ta khan kan vengah hian F1 chungchang sawi a nuam lo lek lek thin a. Mi pa dik tak intihsiaikna nia ka hriat avangin kei chuan hmuhnwawm ka ti a, mahse, han sawi changa intihchangkanna ang zawnga min puhsak leh ho lam taka mi dangten an ngaih thin avangin, sawi fo chi lovah ka ngai a. Ka ngaihdan chuan football chanchin kan sawi nen hian a danglam lo va, thiamna sang tak hmanga intihsiaikna ni mah se, kan tuipui avanga kan changkan phah sawtna pawh ka hre lem lo. Tuipui turin car khah thiam emaw neih kher emaw a tulna pawh ka hre chuang lo va, intihchangkan phah nana hman phei chu inbumna chi khat a ni ang.

Kan thil enin kan rilru chhungirl a deh nat viau a, a changa hlimawm leh tawrhna min thlen a, pawi tih vawng vawngna leh nuam tih veng vengna a ken tel tawh chuan kan lo tuipui hman der thin. Kan tuina a nih chuan a chanchin hriat loh lutuk chu thil hrehawm a ni nghal a, kan duh reng vang pawh ni lo mah se thil dang aiin kan lo ngaihven viau a. Ngaihven a, en hnem a, chhiar na na na chuan hriat chin a awm ve mai. Thuk taka thil hriat hi a harsa a, mahse, pangngai taka thil awm dan hriathiam erawh a har lem lo; hriatna nena thil kan en chinah chuan a hmuhnwawmna tak tak a pawh theih.

F1 hi khawvelin an en nasa hle a. Season liam ta phei kha chu en an tam lehzual a.

Infiamna kher ni lo TV atanga hmuhnwawm chi hrang hrang pek chhuah zingah khawvela entu ngah pakuana ni phain, infiamnilfa World Cup a awm loh kumah kum khat chhunga event khata entu ngah ber a ni deuh ziah. Kum telin ram a la zau tial tial a, tlankawng pawh a darhsarh telh telh a, Aifica khawmualpu pumah tlanna tur a awm ve lo thung. 2011 hian a vawi khan nan intlansiak vawi 20 awm tura ruahman a ni a, mahse, tualchhung buaina avangin Bahrain-a season tan tura tih chu thulh a ni a, a hun sawn tumna awm zui mah se, tawt taka rem sa a nih avangin tun thlengin hun awl an la hmu thei lo.

Vawiin chaw hma dar 11:30 hian Albert Park, Melbourne-ah Australian Grand Prix hmangin 2011 F1 Championship intlansiak hmasa ber tan a ni ang a. Kum kal taa car nei tha ber leh world champion Red Bull an la pangngai a, Ferrari nen title chuha inthluring tura ngaih an ni. Mahse, McLaren-in chawpchilh takin 'risk' an la a, F1 car chak leh chak loh kawnga pawimawh em em, a thlihap (aerodynamic, a hma leh hnung thla) thuam that nan khawl chi hnih an vuah thar a, awmzia neiin zirtawpnia inbuatsaihna hunah McLaren a chak ber. Lewis Hamilton aiin Jenson Button a chak hret a, pathumna chu Ferrari khalhtu Fernando Alonso niin Red Bull driver pahnihte palina leh pangngan an ni. Kum hmasa aia hmasawn Mercedes-in dawt ve lehin Michael Schumacher chu tlan chak parukna a ni phak. Inpuahchahna (test leh practice)-ah hian an duh zat zat an tlan kual a, lap khat tlan nana an hun hman that ber hmangin an teh thung a, intlansiak tak tak nen chuan a inang lo.

Bridgestone an chhuah avangin kumin atangin Pirelli tyre an hmang dawn a, Italian company chiah hi F1 tyre petu an ni ta a. 2010 aiin pitstop-a luh zin a ngai dawn a, intlansiak hmuhnwawm phah tura ngaih a ni. Kumin hian tlankawng driver duhsak bik neih (team order) phal a ni a, he thil pahnihi kumina thil inthlak lian zual leh danglamna siam thei a ni.

NEUVA

➤ Ni 24.3.2011 Ninga zana Hruaitu intuaitharna neihah an kal tha hle a, hruaitu mi pahnih kallo pha bawk silo an awm chu pawi an ti hle.

➤ Ni 25.3.2011 zirtawp zan khan Cubic lung thiara Section sumtuak hnatlang neiha ni a, inhlawnha siamsaktu Pu.Rochhunga te chhungkua, thingpui lumsaktu Pu H.Vanlalsawma, Pu Lalremruata, Pu H.Suana te chhungkaw chungah leh member hnatlang zawng zawngte chungah lawmthu an sawi.

➤ An hruaitu NI.Lalrindiki (Udiki) Manipur-a mo lawma zin pawh damtakin a ngaita bawkin a lo kir leh.

➤ Ni 30.3.2011 Nilai zan hian Section chhungah Sangha zuara hnatlang neih tur a ni a, memberte zanriah eikham veleh Pasaltha Neuva Inah chhuah khawm tur a ni.

➤ Central YMA-in Mizo Infiamna hrang hrang Branch inelna a buatsaih turah an member Veng aiawha tel tur zawng zawngte veng ti hming tha turin duhsakna an hlan.

➤ YMA Aw man ` 7920/- hmuh tawh a ni a, la pe lo te ngai pawimawh turin an in ngen.

➤ Chhiatni Fund khawn mek a ni a, Bial neituten Asst.Leader Pu.Lalliansangpuia hnenah khawnsa thehluh vat thin tur a ni.

➤ House No.leh Name Plate neilote chuan Secretary hnenah in hriattir tur a ni.

➤ Vawiin tlai dar 4:00 hian hruaitu mipa zawng zawngte Duty leh tur a ni, Pu.Henry Lalremruatpuia te inah innghahkhawm tur ani.

➤ Ni.9.4.11 a blanket suk tur a ni a, a suk man rate hetiang hian siam danglam a ni :- Double ` 130/- leh Single ` 90/- a ni e.

VANAPA

➤ Ni 21.3.2011 (Thawhtan) zan khan committee an nei a, thu pawimawh tak tak an rel.

➤ Section chhunga chhungkaw tinte hnenah chhiatni fund an rawn khawn dawn a, chhung tin te lo in ring lawk turin an in chah.

➤ YMA AW man (` 80/-) pawh khawn tan a ni a, YMA AW latute a man lo pe thuai turin an in chah.

➤ “SMS Huang” a lo lang thin ‘V’ Section huam chhunga Ruihhlo zuar an awm tih chu an ngai pawimawh hle a, a zuartu hria kan awm chuan section hruaitute hnenah a rang lama hriattir nise an ti.

(V-Sect. report chhunzawmna)

➤ Pu C. Thanchungnunga in kawta khawl rei tak dah tawh chu hruaitute'n a neitute hnenah dahsawn turin an hrilh tawh a, an dahsawn thuai an beisei.

➤ Section zaipawl hla zirna atana an phal taka In hmantirtu Pu H. Lalrinthanga, Pu C. Rozama (L) leh Upa H. Lalrawna te chhungkaw chungah lawmthu an sawi.

➤ Ni 29.3.2011 (Thawle) zan dar 7:00-ah Upa H. Lalrawna te inah hla zir leh tur a ni a, member a tam thei ang ber thawkchhuak turin an in ngen.

TAITESENA

➤ Ni 23.3.2011 (Nilaini) zan khan rawra thiari a inhlawnha hnatlang neih a ni a, hnatlang thawkchhuak zawng zawngte chungah leh inhlawnha siamsaktu Pu Lalzirliana (T-Section) te chhungkaw chungah lawmthu an sawi.

➤ Chhiatni Fund leh YMA AW man section chhungah khawn mek a ni a, chhungtinte aranglama lo pe theuh turin an in ngen.

➤ Chhiatni Fund leh YMA AW man kan khawnte Fin.Secy. NI.Lalthlamuanpuii hnenah aranglama thehlut zel turin hruaitute an in ngen.

➤ Ni 24.3.2011(Ninga) zana neih zawh tak Hruaitu Intuaitharna leh Kumpuan hawnna-ah section hruaitu 99% zet mai an kal thei chu lawmawm an ti hle a. He hun hman zawh tak hi blawktblak an ti hle.

➤ He hun a paper buatsaih kan ngaihthlak zawng zawngte a taka zawm theuh tur leh nasa zawka tan la thar theuh turin an in ngen.

CHAWNGBAWLA

➤ An member Pu Lalnunthara Sailo lehkhabu ziah ‘Zonun’ chu MAL-in 2011 lehkhabu chhuak tha an thlanchhuah Top 10 ah a lang a, an lawmpuiin an chhuang hle.

➤ An member Pu R.Vanlalchhuanawma s/o R.Rokima chuan MBBS tha takin a rawn pass leh section in Doctor an neih belh leh ta chu an lawmin an chhuang hle.

➤ Tun hnaiah Section chhungah Duty ngawrh zual an tum a, kawnglai leh Park chhehvela thawm bengchheng siam thin te sim tawh tur leh hei hi warning-ah lo ngai turin an chah.

KHUANGCHERA

➤ Vwiin (27.3.11) Sunday School ban veleh hian office Bearer te Pu Zonunsanga te inah meeting pawimawh tak neih tur a ni.

➤ Section committee-in a rel tawh angin Ni 2.4.2011 (Inrinni) zingkarah an section bungraw in “YMA RUN” chu a hawnna hun hman tur a ni a. hruaitu leh member a duh apiang tel turin an sawm.

➤ Ni. 23.3.2011 zan khan Pu Lalsangzuala Pizawn Pi Chawngzachhingi kum 69 chu Khawlek a phurh chhoh turin thlah liam a ni.

➤ Tunlai hian chhiatni fund khawn mek a ni a. ` 20000/- chuang Branch ah chhun luh tawh a ni. Chhung tinte pe hmanhmawh turin leh a khawn tute ti fel rang turin an in ngen.

➤ Pu F. Zosanga'n a nupui Pi Thanthuamliani(L) hriatreng nana mitthi Sign board thatak a rawn donate chu lawmthu an sawi.

➤ Section bial hrang hrang vawng tuten YMA AW lak man Treasurer Pu Zonunsanga hnena tifel rang turin an in ngen.

➤ Ni 24.3.2011 zana hruaitu intuaitharna a hruaitu pali lai kallo an awm chu pawi an ti hle.

ZCC NEWS

➤ Ni 23.3.2011 (Inrinni) khan hruaituten Pu Zonunsanga (Patea) te in ah Club Dress su in nileng hnatlang neih a ni.

➤ Ni 26.3.2011(Inrinni) zan khan Assam Rifles programme ah Helipad Thuampui ah hnamlam entir a ni.

➤ Club Member lak zawh thawkhat a ni a, member 180 chuang an nei a ni.

➤ Hnamlam zirna hmunhma phaltaka hman tirtu Indoor Stadium Management Comm’t chungah lawmthu an sawi.

➤ Pu F.Zosanga'n Mizoram Sport Council-a Volleyball leh Volleyball Net a hmuhsak chu a chungah lawmthu an sawi.

CVTP NEWS

➤ Karleh hun remchang ah committee neih tum a ni a, hruaitute household kan khawn thehlut nghal theuh tura ngen kan ni e.

➤ Inrinni apiangin Library hawn thin a ni a, veng mipuite member atan ` 20/- in a in register theih reng e.

➤ Pu B.Hrangvela'n Library tan Sana lian a rawn donate a, kan lawm hle.

In cho

CWSC Exe.Committee member-te leh Zofa Cultural Club te AR Lammal ah Football khel turin an inbuatsaih mek.

**AIZAWL WEST ACADEMY
MORNING CLASS
(MBSE Course)
ADMISSION OPEN**

Gov't Aizawl West College, Dawrpui Vengthar

**CI-X : FREE ADMISSION
(Regd.Fee ' 100/-)**

Last Result - 71% (Special)

Last Date af Admission :
13th May 2011

CI-XI - XII (Arts)

Arts : English, Mizo, Pol Sc./P.A, Edn., Hist., Socio, Geog.

(CI-IX & XII tan Scholarship dil theih a ni)

Class Timing : 6 - 8:00PM

Contact:

9862365768 / 9862336289

MEMBER NIH THEIH

Mizoram Cancer Care Foundation-ah member ni duh tan ' 100/- pe in member a nih theih reng e. Cancer avanga natna nei emaw an chhungte emaw a duh apiang tan membership fee a hnuia mi hnenah hian pek theih reng a ni e.

Nl.R.Lalramengzami
Vanapa Section.
Ph : 9436140767

Chapchar Kut Thlalak

Chapchar Kut 2011 a Branch YMA hna lam entirna thlalak te kha CHAM CHAM STORE (CH, Section) C/o Pa Rova hnenah print tir theih a ni e.

**INNEIH LAWMPUI TURA
SAWMNA**

Kan fapa,

Vanlalngheta (Tete-a)
leh

Zothansangi Tochhawng
(D/o T. Zorampela)

Ni. 29.3.2011 chawhnu dar 1:00 a Presbyterian Kohhran Hall a an inneihna min hriatpui tur leh in lama min lawmpui turin vengchhung mipui te kan sawm a che u.

Vanlalhnema te nupa
C-50, Chawngbawla Section

VIDEO COVERAGE/KOH THEIH

Chhiatni thatni ah video coverage (video thlalak) ti tura koh theih reng kan ni e. Editing pawh kan ti thei nghal a, kum tam tak experience kan nei tawh a, a rate erawh midang aiin kan ti tlawn.

L.P.PICTURES

K.Lalphena

Ph:9862355603

H/No: C-49/B

K.Sangkhuma Inhnuai
CH Section

HETAH HIAN SMS LA

>>9774170328<<

↗ Hruaitu Intuaitharna hunah khua leh veng neitu ber Local Council sawmna pek an ni chung pawha Council member an nihna anga an lo lang lo tawp mai kha a va mak thin ve le aw...

986258_14

↗ Mi thenkhatin 'thlanlai tur hi hlawhfa i ruai tawh mai ang u' an ti maw....mitthi vuina-a thingpui sem tawh loh nise an tih nen hian ka pawmloh dan a thuhmun reng.

943614_04

(SMS kan dawn te hi Ed. Bd
ngaihdan a ni vek kher lo)

VINCENT SCHOOL



ADMISSION NOTICE

Vincent School, Chanmari chuan hmun laili, pan nuam leh fian rial bawk si, building tharah

Class XI & XII (Arts & Science) Academic session,
2011 atangin day scholar leh hosteller tan a hawng dawn. Admission a tih mek a ni.

Sd/- Principal
(5-2) Ph: 9436154259

ART Centre

Anti Retroviral Therapy Centre

HIV Hrikpai i nih pawhin beidawng mai suh

Hrisel tak leh pangngai taka i nun theih nan a thlawna in entirna leh inenkawlna tur i tan buatsaih a ni e.

ART Centre

Room No. 212, 2nd Floor, OPD Building
Civil Hospital, Aizawl
Phone : 2301085

Mizoram State Aids Control Society, B-50, J.Lalsangzuala Bldg., Mission Veng, Aizawl, Mizoram
Phone : 0389 - 2321556/2321566 Fax : 0389 - 2320992 Email : mizoramsacs@gmail.com

Published and Edited by Chanmari West Branch YMA. 950 Copies